

(Brottsförebyggande rådet, Brå) Phagaribosko prissibosko konsilio hin hougaaje kon tšeerila butti te teeljaven phagariba aro phuv. Douva amen tšeeravaa pe vaures te angle fakta ta bohlaven džaaniba pa phagariba ta angnal tšeeribosko butjata.

Brå hahtila hougaaje sar peri, dohiboskere, tingiboskere dohhiboskere ta kriminalarakhiba dženom te tšeeren sankiboskobutti te save buttjakometodi so džalpe latšes ta tšeeren roodiboskobutti te sar baro passiba lon lena pa komujata. Amen daa niina dumutiba lokalno angnalprissibosko butjake.

Brå lel angnal svariba pa ofisialno kriminalstatistiko aro Sveittikothem. Dotta voipuel pe vaureha dikkel sar but phagirba hin phukade aro sistone bereh.

Leha kontakto Brå:

Adresso: Brottsförebyggande rådet, Box 1386, 111 93 Stockholm.

Visitiakoadresso: Tegnérsgatan 23, 2 tr.

Telefona ka växel: 08-527 58 400

e-post: info@bra.se

www.bra.se

Horttiboskosankiba

Brå raalila arre aro horttiboskosankiba so hin tšerdo pa but hougaajenda kon tšeerila butti anglal tu siguripaske. Leen hin angnal svariba te tšeeren prisssibosko- ta roodibosko butti, frestaven phagariboskoroodiba aro tingi, vollaven te phangliba avela aro džor ta vollaven phagari diibesko horttiba.

Pe horttiboskosankiba mienavehas Peri (Polisen), Dohhibonkere (Åklagarmyndigheten), Fallibako drambeskotšetiba (Rättsmedicinalverket), Ekopagariboskohougaaje (Ekobrottmyndigheten), Kriminalarakhiba (Kriminalvården), Sveittika tingi (Sveriges Domstolar), Phagaribosko prissibosko konsilio(Brottsförebyggande rådet) ta Phagaridiibesko hougaaje (Brottsoffermyndigheten). Douva hin Horttiboskodeparmenttos (Justitiedepartementet) konen hin angnal svariba pa tingobako hougaajenda.

Aahhehako tu diiben?

Ka sal aulo phagarimen mote douva hastes phukaves douva peringe aro douva phuv kai phagarimos fanudas.

Ka phagariba džalpe akana baha 112

Vaures bahaveha tu dauva telefonsko numri 114 14 elle stavel aro neeride Perengostedos.